

唐圭璋編

全宋詞

第九冊

國立編譯館

全宋詞卷一百三十五

洪适 五十首

洪适

鷓鴣天 次李舉之見寄韻

報答風光思更新安排好語續陽春
羅胸玉藻英華別信手銀鉤點畫勻
歌妙曲想光塵相望尺五歎參辰
曲終強對紅顏笑欠我高談驚座人

生查子 收燈日次李舉之韻

廉纖小雨來噤瘳輕寒乍絲竹送迎時
燈火闌珊夜銅壺漏故遲銀燭花頻
地懷我獨醒人健筆方飛灑

蝶戀花

漠漠水田飛白鷺夏木陰陰巧囀黃鸝
語金匱詩人新得句江山應道來何暮
好向金門聯步武何事雙旌卻爲丹丘駐
瓊巖十

分須一舉看看紫詔催歸去

減字木蘭花 曾紱父落成小閣次其韻

藩車容裔挺挺風流追兩地粲斗分星
詩句當年汗簡青疏簾披繡共看橫雲
晴出岫新月如鉤來照瓊彝醉小樓

好事近 東湖席上次曾守韻時幕曹同集

風細晚軒涼妙句初揮新墨綠水池中
賓佐對嫩荷擎綠微月上雲頭清臂映
寒玉只恐朝來酒醒有文書羈束坐看

虞美人

芭蕉滴滴窗前雨望斷江南路亂雲重
疊幾多山不似倦飛鷗鷺便知還角聲
更聽譙門弄夜夜思歸夢鄱江樓下水
含潯孤負釣灘煙艇綠蓑衣

卜算子 席上贈瞻明

修竹拂疏櫺淡月侵涼榭四畔青山進
好風金鴨香煤地寶唾粲珠璣長袖飄
蘭麝莫問更樓夜若何且結高陽社

江城子 贈舉之

冥冥雲嶼兩經秋落霞收斷煙留小閣涼生清馥凝金蚪乘興開
顏那草草煩玉腕舉瓊舟明年此日楚江頭極層樓望丹丘只
恐溪山千里礙凝眸重倚闌干相憶處尋過雁作書郵

減字木蘭花

太守移具錢
行縣偶作

使君情素念我明朝行縣去一醉相留和氣歡聲到小樓暫時
南北莫唱渭城朝雨曲此去農郊收拾童兒五袴謠

浣溪沙

邦伯今推第一流幾因歌席負詩籌一時文采說台州雨腳漸
收風入牖雲心初破月窺樓翠眉相映晚山秋

望海潮

題雙
巖堂

重溟倒影五芝含笑神仙今古台州山擁黃堂煙披畫戟雙巖瑞
氣長浮前事記鼉頭有百年臺榭千室嬉游墨寶淒涼風淩雨蠹
盡悠悠規恢共仰賢侯當政成五月景對三秋飛棟干雲虛檐
受露放懷不減南樓賓燕奉觥籌妙綺牋瓊藻聲度歌喉只恐棠
陰成後趣去侍凝旒

好事近

小閣過重陽愁對輕篁圍色喜得蠻牋新唱似夜光明月
菊蕊定相憐酩酊誤蕉葉猶記去年今夜聽歌聲清切

清平樂

次曾
守韻

風鬢飛亂寒入秦箏雁情似雲陰渾未展雨腳更飄銀線橫枝
有意先開玉塵欲伴金壘何日舞綰歌扇後堂重到惟梅那有惟
梅堂

選冠子

雨腳報晴雲容呈瑞夜雪縈盈連晝千巖曳縞萬瓦堆瓊稍稍冷
侵懷袖鶴鶩神仙兔園賓客高會坐移清漏想灞陵橋畔苦吟緩
轡聳肩寒瘦向此際色映棠陰香傳梅影寒力更欺尊酒左符
詞伯蠻牋巧思不道起風飛柳舞態弓彎一聲低唱蛾笑綠分煙
岫任杯行激灑爲公沈醉莫教停手

好事近

爲錢處
和嘉

縹酒頌青春不減宜城桑落樓下玉人凝笑散萬英千萼繡衣
當日帝王州橫飛看雕鶚聞道賜環書下向金門持素

鷓鴣天

次曾守游梅園韻

領客攜尊花底開，薄寒初送雨聲來。一聲未弄林閒笛，幾片低飛閣下梅。酬的，爍少遲迴，不妨春雪撒銀杯。玉肌莫放清香散，更待晴時賞一回。

浣溪沙

錢范子芬行

整頓春衫欲跨鞍，一杯相屬少開顏。愁眉不似舊時彎，未見兩星添柳宿，忍教三疊唱陽關。相思空望會稽山。

又

以鷓鴣梅送曾守是日曾守攜家游南園

報道傾城出洞房，水邊疏影弄清香。風流更有小鴛鴦，蟬鬢半含花下笑，蛾眉相映醉時妝。夢魂不到白雲鄉。

又

以鷓鴣梅送錢漕

玉頰微醺怯晚寒，可憐凝笑整雙翰。枝頭一點爲誰酸，只恐輕飛煙樹裏，好教斜插鬢雲邊。淡妝仍向醉中看。

又

席中答錢漕

憶得熙春曉立班，使星曾入紫微垣。歸來小飲友芝蘭，投轄風

流今復見開尊，禮數自來寬。更看寶唾寫烏闌。

清平樂

以千葉粉紅牡丹送曾守

輕紅淡白，蓬閣神仙謫。魏紫姚黃誇異色，到得海邊初識。玉闌不語如顰，虛教春盡三分。卻問檀心，誰向多情更屬東君。

生查子

桃疏蝶惜香，柳困鶯驚絮。日影過簾旌，多少愁情緒。紅慘武陵溪，綠暗章臺路。春色似行人，無意花閒住。

思佳客

次韻蔡文同集錢漕池亭

花信今無一半風，芙蓉出水幾時紅。看成弱柳陰陰綠，自在遷鶯巧語中。風傍戶，月留空。金尊相對醉珠櫳。歸鞭欲指江南去，回首霞標憶舊峯。

朝中措

曾守生辰

當年召父治南陽，千室頌慈祥。今代天台太守，聲名已達巖廊。風流閒暇，胡牀乘興，燕寢凝香。好去花甌視草，珠庭喜見微黃。

又

江西文派有新圖詩律嗣東湖十首齊安書事君王曾問相如
牙籤繡架銀鈎落紙美玉明珠見說詔藏金匱後來天下渾無

又郭鹽
生日

青雲垂下不爭程繡斧記澄清黃木灣頭人鬧耳邊都是歡聲
仙家咫尺波涵渤澥路挹蓬瀛十日東君不老一星南極長明

又帥生
生日

斗南樓閣舞祥雲爲壽幾多人有酒恰如東海年年爲滿金尊
無雙治行兒童詠德草木霑仁只把空虛三院亦須笑傲千春

又蘇少連
母生日

西崑當日下午雲駢采藻奉蘇仙玉節榮看棠棣斑衣笑俯芝蘭
壽觴爭舉歌縈蛾綠香裊龍涎須與寄聲鸞鶴飛來歲歲年年

又黃帥憲侍
兒倩奴

嘉禾一別十經春清泚記垂綸今日天涯淪落趫然一見佳人
酒浮重碧聲低雲葉香趁霞裙準擬魁星歸去它時相會金門

浣溪沙壽方
樸川

占得登高一日先路雲來作地行仙天將黃菊助長年 健筆已
凌枚叟賦高懷欲著祖生鞭駸駸影組向甘泉

臨江仙郭鹽
生日

向日鵷行瞻鳳彩共期直上金鑾卻來持節海雲邊身兼三使者
名是一仙官 漢室中興高密冠千年苗裔蟬聯左弧嘉慶祥
煙橋中招四老同醉酒如泉

又會黃
魁

北斗南頭雲送喜人閒快覩魁星向來平步到蓬瀛如何天上客
來佐海邊城 方伯娛賓香作穗風隨歌扇涼生且須灑灑引瑤
觥十年遲鳳詔萬里寄鵬程

又樸川
生日

釣瀨懷珠山韞玉謫仙至自蓬萊它年勳業上雲臺棣華開幕府
蓮沼屈英才 南極逢秋光爛爛門闌香霧縈回須將壽并薦瓊
杯離東明日菊借取一枝來

又

煙湊橫嵐霞抱日望中衰草稠稠西風吹恨著扁舟馬卿多病後
方寸不禁秋 頗念銀壺行綠醕共聽漁子清謳夢魂飛過海山
樓人隨秋易老情寄水東流

又 傳丈
生日

千呂青雲垂寶露結鄰恰挂初弦瑞光騰踊維非煙騎箕瞻鼻祖
孕昂控胎仙 助業子卿全漢節壯懷久寄林泉舉觴低唱臉舒
蓮壽高人七十果熟歲三千

又 壽周
材

瓜瓞縣縣儲慶遠間平代有名人一襦五袴說朱輪雲達鴛綴近
雷社虎符新 正是泗濱浮磬日潘輿一粲欣欣鸞歌飛起杏梁
塵巢蓮龜問歲介壽酒融春

又 送羅倅偉
卿權新州

遠駕星屏臨百粵康沂戶戶歌功使君五馬去乘驄賣刀無曠土
贈扇有仁風 莫唱渭城朝雨曲片帆時暫西東促歸行拜紫泥
封九霄先步武三接未央宮

江城子 饒黃
魁

當年提筆上詞壇琢琅玕湧波瀾晁董聲名一日滿人間底事遠
煩騏驥足梅嶺外硯臺邊 元戎傾蓋有餘歡酒杯寬語離難只
恐江邊明日起青翰暫去平分風與月迎細札步金鑾

又 黃憲生
日代作

江如羅帶抱山青好風輕五雲橫北斗南邊燁燁使華星兩路平
反多少事培吉德賚長生 當年烏府振冠纓稔英聲起鵬程垂
上丹霄回首志澄清雪片深深梅著子歸路近看和羹

醉蓬萊 代上陳
帥生日

正中秋初過重陽相近金莖多露玉燕開祥喜氣浮庭戶覽鳳千
峯驂鸞八桂未展青雲步碧玉簪邊紅蓮池上羽仙旁午 少日
聲名珠璣黼黻曄煜分符喧轟持斧帶綏裘輕足遠人襦袴脣注
櫻桃腰欺楊柳歌舞新蠻素滿酌金船壽公千歲東臺西府

滿庭芳 代上陳
帥生日

昂宿光芒德星家世當時飛舞華旗風清玉宇珠露綴瑤枝八桂

蒼蒼簷壑問椿木同數秋期黃堂上油幢轉影美酒注金卮英
躋名譽早青箱傳學黃絹摘辭說江東治行召杜肩齊畏愛雙行
五管收繡斧卻把旌麾歡聲沸明年此日公在鳳凰池

千秋歲

代上帥宅生日

顏朱髻綠天與穠穠福旄鉞貴崇湯沐華軒魚映錦紫詰鸞迴幅
爲壽處玻瓈鑿落斟醽醁瑞霧蟠華屋露浥秋蘭馥香篆起歌
裾簇衣斑丹穴鳳色潤東牀玉鸞共鶴年年來聽神仙曲

眼兒媚

黃堂風轉碧幢開笙鶴九天來三冬愛日一方惠露人在春臺
持杯多贊松喬喜低唱列金釵明年此日紫微垣裏光應中台

鷓鴣天

胡提舶生日

月上初弦映左弧葭吹六琯轉璿樞日邊遠近瞻新渥天下中庸
系兩都犀獻角蚌回珠皇皇星節燭扶胥滿斟北海尊中酒請
壽安期澗底蒲

長相思

朝思歸暮思歸塞雁三年不見飛斷腸天一涯千思歸萬思歸
夢到窗前拂淡眉覺來雙淚垂

又

柳青青酒清清雨腳涔涔憶渭城一尊和淚傾山青青水清清
水關山重不計程愁堆長短亭

好事近

別傅丈

柳岸碧漪深底事催人行色無計曲留情話只別愁如織小蠻
樊素兩傾城幾度醉狂客明日扁舟西去聽歌聲不得

點絳脣

別帥憲

天末相逢醉中不訝車茵汚一聲鳴鷓驚散眠沙鷺我是行人
卻送行人去聽金縷莫辭甘醕別淚飛寒雨

南歌子

章嶺作

雲拂山腰過風吹雨點來田園好處有池臺記著相逢時海棠
開蝴蝶那無夢鴛鴦亦有媒藏鉤解佩兩三杯明日水邊沙際
首空回

好事近

爛漫海棠花多謝東君留得眉壽堂邊風景與蓬瀛咫尺桃紅

李白競爭妍綠野盡春色只欠櫻唇清唱怕行雲南北

以上朱本盤洲樂章卷二十五首

全

夕

言

卷一百三十五

八

全宋詞卷一百三十六

洪 适 五十五首

洪 适

生查子
盤洲曲

帶郭得盤洲勝處雙溪水月榭閒風亭疊嶂橫空翠
團圓情話
時三徑參差是聽我一年詞對景休辭醉

又

正月到盤洲解凍東風至便有浴鷗飛時見潛鱗起
高柳送青
來春在長林裏綠萼一枝梅端是花中瑞

又

二月到盤洲繁縷盈千萼恰恰早鶯啼一羽黃金落
花邊自在
行臨水還尋壑步步肯相隨獨有蒼梧鶴

又

三月到盤洲九曲清波聚修竹蔭流觴秀葉題佳句
紅紫漸闌
珊瑚戀鶯花主芍藥擁芳蹊未放春歸去

又

四月到盤洲長是黃梅雨屐齒滿莓苔避溼開新路
極望綠陰
成不見烏飛處雲采列奇峯絕勝看廬阜

又

五月到盤洲照眼紅巾蹙句引石榴裙一唱仙翁曲
藕步進新
船闌楫飛雲速此際獨醒難一一金鍾覆

又

六月到盤洲水閣盟鷗鷺面面納清風不受人閒暑
彩舫下垂
楊深入荷花去淺笑擘蓮蓬去卻中心苦

又

七月到盤洲枕簟新涼早岸曲側黃葵沙際排紅蓼
團團歌扇
疏整整鑪煙裊環坐待橫參要乞蛛絲巧

又

八月到盤洲柳外寒蟬懶一掬木犀花泛泛玻璃瓊蟾桂十分

明遠近秋毫見舉酒勸嫦娥長使清光滿

又

九月到盤洲華髮驚霜葉緩步繞東籬香蕊金重疊橘綠又橙

黃四老相迎接好處不宜休莫放清尊歇

又

十月到盤洲小小陽春節晚菊自爭妍誰管人心別木末簇芙

蓉禁得霜如雪心賞四時同不與癡人說

又

子月到盤洲日影長添線水退露溪痕風急寒蘆戰終日倚枯

藤細看浮雲變洲畔有圓沙招盡雲邊雁

又

臘月到盤洲寒重層冰結試去探梅花休把南枝折頃刻暗同

雲不覺紅鑪熱隱隱綠蓑翁獨釣寒江雪

又

一歲會盤洲月月生查子弟勸復兄酬舉案燈花喜曲終人半
酣添酒留羅綺車馬不須喧且聽三更未

阮郎歸

澄清閣下藕如船扁舟曾采蓮向來辛苦疊青錢而今知幾年
人去也客淒然酒泉添淚泉一杯今夜且留連斷腸芳草邊

浣溪沙

席上別王巨濟先是兩姬
免冠王簪雨初繼以章罷

丹桂飄香已四番杖藜攜手自今難黯黯離恨滿江干壁上兩
冠元是識花前雙韻幾時彈中秋後夜與誰看

滿江紅

暮雨蕭蕭飛敗葉增添秋色登高會癡風吹散山居嘉客人世難
逢開口笑老來更覺流年迫到如今黃菊滿園開無人摘珠履
湊銖衣窄紫翠袖催牙拍索松兒添半戰酣相嚇橘綠橙黃時節
好舞停歌罷門牆隔酒醒時枕上一聲雞東方白

又

鄭雲席
上再賦

累月愁霖知今夕是何天色秋老矣芙蓉遮道黃花留客長有霜

整來左右誰言機馬能煎迫眇高穹重疊起頑雲星難摘 羅綺
盛軒窗窄心已醉肩須拍更十分行酒再三相嚇鳳詔十行歸路
近桂華千里明年隔趁閒時樓上共凝眸蘆花白

臨江仙

盤洲錢
漢章

兩載繡衣頻駐節金蓮曾印青苔恩恩歸去壽瓊杯曲終揮別淚
江上片帆開 記得秋宵山吐月酒酣同上層臺杖藜何日解重
來相思憑過雁飛送一枝梅

浣溪沙

景盧以米書眉間一點黃
之曲錢送鄭憲因用其韻

舉目霜林葉葉黃使星歸騎未須忙煙鬢千疊弄殘妝 內殿恩
光承雨露外臺風力挾冰霜應懷三徑雜花香

又

席上
再作

不見丹丘三十年青山碧水想依然自驚綠鬢已蒼顏 月在柳
梢曾徑醉雨荒院菊有誰憐繡衣歸與古人言

生查子

姚母壽席以龜
游蓮葉杯酌酒

碧澗有神龜千歲游蓮葉七十古來稀壽母杯頻接 繡衣牽綵

衣喜慶相重疊龜紫看孫曾鶴髮何須鑷

又

枕上
作

貪看端木花難辦銷金帳庭下舞瓊瑤飛到鬢眉上 衰病不禁
寒對景頻惆悵夢寐到淩風倚著青藜杖

鷓鴣天

席上賞牡丹
用景裴韻

莫問甘醪濁與清試將一酌破愁城海棠過後荼蘼發堪歎人閒
不再生 心已老眼重明嫣然國色帶朝醒耳邊聽得蘭亭曲一
詠流觴已有名

又

十九孫入學因作小
集景裴有作次其韻

兩塾絃歌日日春不容坐席更凝塵常思芳桂攀燕賓未見童烏
繼子雲 流慶澤仰家尊揀荒陰德過千門從師已是平原客毛
遂懷綳作弄孫

好事近

春意漸盈盈窗外小桃堪折若問得人憐處是輕鞦時節 主人
特地出紅妝不要雲心月三徑雖然冷淡有采蓮舟楫

滿江紅

春色怱怱三分過二分光景吾老矣坡輪西下可堪弄影曲水流
觴時節好茂林修竹池臺永望前村綠柳蔭茅檐雲封嶺蜂蝶
鬧煙花整百年夢如俄頃這回頭陳迹漫勞深省吹竹彈絲誰不
愛焚琴煮鶴人何肯盡三觥歌罷酒來時風吹醒

又和徐守三
月十六日

雨過春深溪水漲綠波溶溢年年是楊花吹絮草茵凝碧駒隙光
陰身易老槐安夢幻醒難覓算六分春色五分休纔留一雁驚
靜文書畢塵外趣壺中日喜蘭亭修禊郊垌吹出合璧連珠同嘯
詠怒猊渴驥尤清逸酒酣時梁上暗塵飛無痕迹

又答景
虛

衰老貪春春又老尊疊交溢疑目處清漪拍岸四山堆碧白也論
文情最厚維摩示病心難覓到盤洲車騎太恩恩觴浮一春再
見官期畢歸路近長安日奉清時明詔迭回更出上殿風霜生頰
齒元龜獻替圖無逸記而今杖策過溪橋留行迹

附景虛立夏前
一日借坡公韻

雨溼風慳雙溪闕幾曾洋溢長長是非霞散綺岫雲凝碧修禊
歡游今不講流觴故事何從覓待它時水到卻尋盟籌輸一
燕舞倦鶯吟畢春肯住纔明日池塘波綠皺小荷爭出童子舞
零渾悵望吾人提筆誰飄逸記去年修竹暮天寒無蹤迹

又黃堂席上
答太守

燕寢香凝官事了詩情充溢歸後院花容爭媚柳眉添碧老子胡
牀常自歎輕裾長袖從何覓探城樓此際夜如何更籌一人已
老春將畢臨曲水纔旬日快朝來雨過魚兒爭出淡酒一杯空酌
酹黃堂千騎真安逸問朱轡何日到丘園聯綦迹

又席上答
葉憲

百計留春春不住愁懷填溢爭如對寶梳壓鬢翠環鋪碧紫綬金
章都是夢雲廬花塢如何覓勸金杯淺笑傍賓筵須均一前夜
月新離畢收溼雨呈紅日荷主人情厚五雲齊出一顆櫻桃天付
與數聲水調人飄逸歎荒園三月百花殘無蹤迹

南歌子 雪中和
景裴韻

閨歲饒光景中旬始打春擁鑪看雪酒催人梁上不曾飛落去年塵未暇巾車出何妨舉棧頻斜川日月已成陳想得前村仙子晚妝勻

又呈葉憲

多病都緣老寒陰可惜春栽桃種竹怕因循移轉籃輿藤杖未開門真率須如約安排欲效顰莫將箏笛損精神自有啼鶯舞鶴解隨人

又示景裴弟時葉憲明日真率

頑健輸村老嬉遊付後生七旬纔有五清明須趁良辰美景繞園行雲意將飛雪天心未肯晴難將性命作人情只合擁鑪清坐閱醫經

又喜晴用前韻

住得如篩雪方欣有腳春誰云三尺不須循若是詩僧月下許敲門鉅竹多中斷殘梅競小顰畦丁說與主林神掃洒板橋前徑

待吾人

又示裴弟

強作千年調難踰五度春春令繼踵漫相循休要關心藥裏也局門蕙帳銀杯化謂自紗窗翠黛謂弟燒香試問紫姑神一歲四并三樂幾多人

又寄景盧

南浦山羅列東湖水渺瀰主人好客過當時斗轉參橫時候醉如泥莫管鶯聲老從它柳絮飛野園春色別無奇船上有花多酒未須歸

好事近 席上用景裴
詠黃海棠韻

睡足淡梳妝喜見詩人元白不學豔紅妖紫壤花仙標格須知玉骨本天然不是借人力準擬小春重看望秋灰無射

卜算子 太守席
上作

五鳳望中仙五馬人間貴舞態歌聲盡出羣烏鵲巡檐喜昨夜值狂風痛飲全無味說與譙門漫打更卻怕催歸騎

滿庭芳

辛丑春日作

華髮蒼頭年年更變白雪輕犯雙眉六旬過四七十古來稀問柳尋花興懶拈筇杖閒繞園池尊中有青州從事無意喚瓊彝人生何處樂樓臺院落吹竹彈絲奈壯懷銷鑠病費醫治漫道琴絃綠綺遊魚聽山水誰知盤洲怨盟鷗閒闊瘳鶴立新碑

又酬徐守

風攪花閒雨慳柳下人人懶拂秋眉年荒省事投轄井中稀架上舞衣塵積絃索斷筇雁差池南柯夢轉頭陳迹飢鼠穴空彝新年官事少秋蛇春蚓重疊烏絲更出奇花判百病都治報道行廚辦也烏鵲喜龜鶴前知更書近鷗行浸遠長對去思碑

又酬葉憲

殢酒銷愁逢場作戲何曾擇地伸眉詩筒來往如我與君稀喜得青春有閨添日月款曲臨池盤洲有山肴野蕨安用設雞彝老來空自笑一頭梳雪兩鬢吹絲便常逢社飲蟹不堪治會就新年真率花神報蜂蝶皆知東風惡江梅欲盡薦福莫轟碑

又和葉憲韻

柳徑花臺熙熙春動遊人珥墮簪遺枯藤到處綠刺惹冠衣雪後園林更好瓊作佩香滿橫枝巡檐久留連一笑不管午陰移盤洲今雅集皇華飛蓋揮塵遲遲覺龜魚增價草木生輝梁上不教塵落談文字酒散星稀明年好玉津隨駕回首記襟期

又再贈葉憲

同病相憐凍吟誰伴漫懷舉案齊眉槐安夢境一笑自來稀未到斜川見雪春欲半尙壓銅池今思古拊盆罍筑壘鼎閒藥彝何時天意解並遊花塢旋埽蛛絲對壺中閒日穴牘休治四坐同盟情話飛玉塵萬事多知杯盤省淺斟隨意真率視前碑

又答景盧遺懷

蝴蝶夢魂芭蕉身世幾人得到龐眉十分如意天賦古今稀晝日猥叨三接摩鵬翼曾化鯢池槐陰下深慚房魏那敢作封彝雁行爭接翅北門炬燭西掖綸絲幸歸來半世園路先治漁唱樵歌不到鶯燕語何畏人知編花史修篁千畝封植具穹碑

又酬趙泉

春入花畦雪迷筠塢柳梢未肯低眉泥深路滑車馬往來稀平地
瓊琚盈尺冰凍解檐水如池皇華喜增添泉貨不鑄尙方華光
陰駒過隙髭髯如戟容易成絲把詩盟長講酒病休治兩兩垂螺
舞徹藏羌管人已潛知橋鳥轉錢流地上褒詔便刊碑

又酬趙憲

當國無功歸田有分四山濃抹煙眉春雲多變清晝惠風稀欲踵
蘭亭故事溪水漲簪盞鵝池臨修竹一觴一詠考古到辛彝當
時龍衰側親聞臚句天語如絲謾三年博士局宄爭治底事繡衣
留滯青天瑞奴隸皆知迎歸詔鸞臺鳳閣名記壁閒碑

又再作

草閣煙橫花蹊雨潤傷春誰畫鴉眉藥囊未減尊酒自然稀城歎
雲和挂壁絃半絕鼠嚙龍池投壺罷憑闌玩古羅列父丁彝龜
巢添綠皺殘梅片片新柳絲絲恨風狂折竹鶴病誰治自信年衰
景短甘冷淡應也天知墳篋奏清歌醉墨一一上圭碑

又景虛有南昌之行用韻
惜別兼簡司馬漢章

雨洗花林春回柳岸窗閒列軸橫眉老來光景生怕聚談稀何事
扁舟西去收杖屨契闊魚池流觴近詩筒暫歇焉用虎文彝良
辰懷舊事海棠花下笑摘垂絲歎五年一別萬病難治幾處繡衣
塵迹歌舞地烏鵲曾知君今去珠簾暮卷山雨拂崇碑

漢章作山雨樓景虛爲之

又再作寄景虛

舊日盤洲藏釣卜夜松兒笑揀雙眉老人好靜此樂數年稀尙記
乘舟西遡樓卷雪曾到雷池今非昔畏寒閉戶棄擲夏商彝入
春踰兩月輕煙非霧細雨如絲任風頰花架不憚裝治想得醉吟
滕閣家園事爭解詳知歸來好猿驚鶴怨孤負朝川碑

望江南
符徐守韻

嗟故歲夏旱復秋陽十雨五風皆定數千方百計爲災傷小郡怎
禁當勞拊字惠露洽丁黃田舍炊煙常蔽野居民安堵不離鄉
祖道免齋糧

又再作

傾蓋侶古語誦鄒陽曲水一觴今意懶陽關三疊重情傷離恨落花當人截鐙歸騎莫倉黃誰肯甘心迷簿領不如袖手傲家鄉高枕熟黃梁

西江月
中雪

小室坐氈重疊紅鑪獸炭交加一卮村酒吸流霞窗外寒威可怕心在盤洲種柳眼看密雪飛花銀杯綈帶不隨車江上漁蓑難畫

又再作

席上酒杯難減鼎中藥味頻加老人爭得臉如霞鏡裏衰容人怕檐溜盡成冰柱前村變卻梅花瓊瑤破碎爲行車凍雀盈枝堪畫

以上未本盤洲樂
章卷三五四首

眼兒媚

瀛仙好客過當時錦幌出蛾眉體輕飛燕歌欺樊素壓盡芳菲

花前一盼嫣然媚
豔豔舉金卮斷腸狂客只愁徑醉銀漏催歸
附翁詞
稼知